



Dudaković se loše osjeća

Advokat Crnalić tražio 30 dana da pripremi odbranu, ispitavanja se nastavljaju

Piše: **ZINAIDA ĐELILOVIĆ**

Nekadašnji komandant Petog korpusa Armije RBiH general Atif Dudaković, uhapšen u Bihaću po nalogu Tužilaštva BiH koje ga tereti za zločin protiv čovječnosti i ratni zločin protiv civilnog stanovništva,

jučer oko 18 sati je u pratnji policajaca SIPA doveden u Tužilaštvo BiH. Dok je ulazio u zgradu Tužilaštva BiH Dudaković je mahnuo okupljenim novinarima, a za njim je priveden i njegov saborac Ibrahim

Nadarević, koji je uhapšen u Sarajevu.

Obojicu zastupa advokat Asim Crnalić koji je po izlasku iz Tužilaštva BiH rekao da je Dudaković lošeg zdravstvenog stanja.

- Moj branjenik je prihvatio prijedlog da ne daje odbranu Tužilaštvu BiH. Za njega smo tražili dodatnih 30 dana roka za pripremu odbrane i Tužilaštvo je to prihvatilo, kazao je Crnalić. / STR. 2. 13.

Nakon 12 godina, S IPA u Petom korpusu

Advokati Atifa Dudakovića, Ibrahima Nadarevića i Ekrema Dedića kažu da je Tužilaštvo najavilo da će tražiti pritvor, ali očekuju da Sud BiH odbije

Piše: **ZINAIDA ĐELILOVIĆ i FAHRUDIN BENDER**

Pripadnici **Državne agencije za istrage i zaštitu (SIPA)** jučer ujutro su u Bihaću uhapsili nekadašnjeg komandanta Petog korpusa Armije RBiH generala Atifa Dudakovića zbog optužbi za ratne zločine nad pripadnicima srpske nacionalnosti u jesen 1995. godine napodručju zapadnokrajških općina.

13 privedenih

Dudaković je bio komandant odbrane Bihaća i oslobodilačke operacije Sana '95, a uz njega je u Unsko-sanskom kantonu uhapšeno još 10 pripadnika Petog korpusa, dok je u Sarajevu uhapšen ratni komandant i nekadašnji federalni ministar za pitanja boraca i invalida odbrambeno-oslobodilačkog rata Ibrahim Nadarević.

General Dudaković i Nadarević jučer su oko 18 sati privedeni u Tužilaštvo BiH na ispitivanje. Njihov advokat Asim Crnalić je dva sata kasnije

Iz Tužilaštva BiH jučer su saopćili da je prilikom ulaska u BiH uhapšen još jedan pripadnik Petog korpusa Armije BiH, osumnjičen za zločin protiv čovječnosti



Ibrahim Nadarević sproveden u Tužilaštvo BiH / DIDIER TORCHE



Advokat Asim Crnalić zastupa Dudakovića i Nadarevića / DIDIER TORCHE

izašao iz Tužilaštva BiH i kazao da je Dudaković lošeg zdravstvenog stanja.

- Sobzirom na opseg osnova sumnje ja sam predložio, a moj branjenik prihvatio, da ne daje odbranu Tužilaštvu BiH. Tražili smo dodatnih 30 dana roka za pripremu odbrane i Tužilaštvo je to prihvatilo. Kod Nadarevića je kraći opis osnova sumnje i tražili smo 15 dana za

Istragu protiv Dudakovića i ostalih vodi tužiteljica Vedrana Mijović, kćerka Slavka Jovičića Slavuja, bivšeg poslanika SNSD-a u Parlamentu BiH

pripremu odbrane, kazao je Crnalić. Dodao je da sve ukazuje na to da se Tužilaštvo BiH odlučilo na podnošenje prijedloga za određivanje pritvora o čemu će morati odlučiti još danas.

Crnalić očekuje da Tužilaštvo BiH zatraži pritvor, a da Sud BiH prijedlog odbije.

Sinoć je u Tužilaštvo BiH priveden i Ekrem Dedić, pomoćnik komandanta za logistiku u Petom korpusu, a njegov advokat Fahrinja Karkin kazao je da su imali kratko vrijeme da se upoznaju šta se svima stavlja na teret i pojedinačno svakom.

- Tražili smo da sada ne daje odbranu i formalno se branio ćutnjom, dok ne proučim dokaze koje sam sada dobio na CD-u. Radi se o dokazima koji idu u prilog sutrašnjem prijedlogu za određivanje pritvora. Tužilaštvo je meni najavilo da će tražiti prijedlog za pritvor, kazao je Karkin, te izrazio sumnju da će pritvor biti i određen.



General Dudaković je prilikom ulaska u Tužilaštvo BiH mahnuo okupljenim novinarima / DIDIER TORCHE

Karkin je napomenuo da se ova istraga vodila godinama i zapitao "što se najednom završila".

- Koji je to bio razlog osim moje tvrdnje da je bio politički pritisak, pred izbore, naglasio je Karkin.

U Tužilaštvo BiH sinoć su dovedeni još neki od osumnjičenih i njihova ispitivanja će biti nastavljena. Danas će tužilac odlučiti da li će tražiti pritvor za privedene.

Iako nije zvanično saopćeno, saznajemo da je **SIPA** u Bihacu privedla još Safeta Salihagića, nekadašnjeg pripadnika Bataljona vojne policije, Ibrahima Šiljdedića, Adisa Zjakića i Hasana Ružnića, u Velikoj Kladuši Hareta Aleševića i Fatmira Muratovića, koji je u ratu bio komandant Bataljona, a naši izvori spominju da je riječ o nosiocima visokogradnog priznanja Zlatni ljljan, dok su u Ključu privedeni Ejub Koženić i Huse Balagić, koji je također nosilac istog priznanja.

Mještanima Ključa i Sanice posebno je teško palo hapšenje Balagića, za kojeg važe priče da je bio neustrašiv borac, ali i zbog činjenice da je u obračajnoj nesreći koja se dogodila 2010. godine izgubio obje kćerke koje su studirale u Bihacu.

- Po nalogu tužitelja iz Posebnog odjela za ratne zločine Tužilaštva BiH, policajci **SIPA** su uz potporu MUP-a USK-a i Kantona 10, u Unsko-sanskom kantonu i drugim gradovima lišili slobode Atifa Dudakovića, nekadašnjeg zapovjednika 5. korpusa, te još 11 dužnosnika i pripadnika 5. korpusa Armije RBiH. Osobe koje su pod istragom osumnjičene su za kaznena djela zločin protiv čovječnosti, a Dudaković se tereti i za ratni zločin protiv civilnog stanovništva, zvanično je saopćeno iz Tužilaštva BiH.

Dodali su još da je provedena akcija rezultat dugotrajne i temeljite istrage tokom koje je saslušano više stotina

svjedoka i prikupljeno nekoliko stotina dokaznih materijala, uključujući arhivske dokumente, videosnimke, kao i dokazne materijale vezane za ekshumacije i identifikacije ubijenih osoba.

Ratni zločini koji su predmet istrage odnose se na stradanje više stotina žrtava, civila i zarobljenih vojnika srpske nacionalnosti sa područja zapadnokrajških općina tokom 1995, kao i ratne zločine protiv civilnog stanovništva bošnjačke nacionalnosti, pripadnika takozvane autonomne pokrajine zapadna Bosna tokom 1994.

Privedeni se sumnjiče za zločine na području općina Bihać, Bosanski Petrovac, Ključ, Sanski Most i Bosanska Krupa, a inkriminirani period se odnosi na oslobodilački pohod Petog korpusa koji je označio kraj rata, kada su u spomenute općine konačno ušle vojne snage Armije Republike BiH.

Dugogodišnja istraga

Podsjetimo, istraga protiv Dudakovića vođena je punih 12 godina, a on je već ranije negirao svaku umiješanost u ratne zločine govoreći da je riječ o montažama. Kako saznajemo, dan prije hapšenja Dudaković je bio na zdravstvenim pretragama u Kantonalnoj bolnici "Dr. Irfan Ljubijankić" u Bihacu i ljekari su mu navodno preporučili hospitalizaciju, što je on odbio.

Inače, privođenjima je prethodio pretres na 17 lokacija u Unsko-sanskom kantonu, dok je u Sarajevu pretresen stan Nadarevića. Mještani Bihaca za Oslobodjenje su kazali da policajci **SIPA** nisu primjenjivali silu prilikom privođenja osumnjičenih.

Podsjetimo da je Centar za istraživanje ratnih zločina i traženje nestalih Vlade RS-a još ranije dostavio Tužilaštvu BiH dokumente na ukupno 8.000 stranica protiv bivšeg generala i komandanta Petog korpusa Armije RBiH Atifa Dudakovića.